

西乡县志

一
玉
六册

西鄉縣志第三冊
士女志第十一上

薛祥綏 傅金 編

列傳之體昉於史記而循吏儒林之品目又為貞潔記高士傳之

濫觴顏士纂傳蜀魏諸葛亮撰至如祝陳之傳者舊則局以地分體

例別出術字中伯靈漢成國人撰漢中舊傳陳後世方志之

載人物蓋本之而參史法故亦有品目焉第人物名志雖有本源

志唐書藝文志載古今人物志而嘉定王氏已識為不詞晉常璩

志華陽有漢中士女志義兼男女允符今世平等之說故因之以

名此篇乾隆四十八年洪亮吉所張志記西鄉士女過求簡畧品

目弗暇張志有鄉賢流寓仙釋忠義不足以資表彰賴稿稍詳未

盡分類顧錄末附題人志而卷中題耆爰稽碑傳益以所聞區

此篇為十類曰鄉賢曰義烈曰文學曰卓行曰仕宦曰列女曰耆

壽曰技術曰流寓曰方外廣記備言徵實傳信其詞固不足比儼

西鄉縣志第三冊
士女志
一
第三冊

作者而於發潛闡幽之義則三致意焉若夫法前修之良槩振鄉邦之英聲後之來者可不勉哉

鄉賢

鄉賢之祀前典攸崇所以昭明德示來茲也必其名實允符總垂閭里為公論之所歸歆俎豆而無愧始可牒請褒揚榮以祠祀末世人情去古日遠不務生前之實行妄冀身後之虛榮黃茅白葦彌望皆然益以子孫之于請官府之題承祀者未必皆賢賢者未必入祀不為世重豈無故哉西鄉之祀鄉賢昉自明代迨至清初六人而已咸為碩德之最無愧鄉賢之名其後新祀未增舊典久廢干戈倣擾論定未遑茲仍其舊僅列六人若夫他傳所列多堪入祀之賢觀者心知其意他日論定可也

張志少惆儻負異才家居崇尚德行明宣宗宣德四年舉人歷官遼東行太僕寺少卿不樂顯貴致仕歸隱居教授數門謝客鄉黨推重之死葬官屯山麓今碑猶在榛莽中也高濟才性嚴正讀書以古人自期任河南桐柏縣知縣居官廉潔民有私開銀礦者跪以千金力辭不受當道聞而旌之致仕歸貧不能具鹽粥嘗以為善去惡勸里人人咸悅服萬曆間與張志同入祀鄉賢

參張志及賈漢復史

賈漢復史

楊學程子棲鶚

楊學程性篤厚樂善好施明神宗萬曆四十年鄉魁翌年會試副榜授蒲城教諭持躬端方勤於訓課熹宗天啟二年陞任壺關知縣莅政明敏持已謙潔拓文廟學宮誘誨士林孜孜不息市里闢闢皆為改觀革倉役之累民永便之官終湖廣長沙府知府節操

廉潔思宋崇禎十年本縣大饑施米濟活萬人當代罕見子棲鵲
善繼述能文章崇禎十五年經元翌年殿試二甲考選翰林院庶
吉士改禮科給事中諱為湖廣江提學附此俟調竭忠盡誠而不負
職居鄉恂穆好施與仁厚之名沒而猶稱清聖祖康熙二十二年
父子同時入祀鄉賢

參張志及賈志史志蒲城新志及壺關縣志

王崇禎

王崇禎崇禎三年舉人歷官布政司右參議祀鄉賢

補稿云舊志載據

祠前神道碑補入案湖北通志載
順治二年王崇禎任漢陽府知府

楊文啟

楊文啟性仁嚴忠勇清初屢立奇功歷仕至川北鎮總兵官署都
督僉事驍騎將軍康熙四年卒誥贈榮祿大夫署都督同知並遣
官致祭二十二年入祀鄉賢子二紹爵前卒緒爵廕戶部郎中

忠天承運皇帝制曰其鞠大則盡瘁人臣奉職之猷爾德褒庸川北
總兵官署都督僉事三等阿達哈番楊首文政(案)命阿達哈場之書
州語乾隆時奏改爲輕車都尉久歷間首文政(案)命阿達哈場之書
寄奮詎意積勞遽成永逝氛緄之義賴無忝酬之典宜頒民特倚
干城詎意積勞遽成永逝氛緄之義賴無忝酬之典宜頒民特倚
弘嚴紫誥之秩華寵加渥爾泉永作大壺之署榮幽靈不知昧鉅典式承
文云維康熙四年七月十一日諭祭故署都督遺本布政使司堂北總兵官
關南道左參議曹叶卜諭祭故署都督遺本布政使司堂北總兵官
事楊文放性靈端良鞠躬盡瘁職克襄王事厥有勤勞才國之藏典
馬長逝朕信用史悼焉昭不朽之榮以慰幽魂嗚呼寵賜重壙享綏
之報名垂信史悼焉昭不朽之榮以慰幽魂嗚呼寵賜重壙享綏
文啟三世孫功墓前木匾刊載詔書道光十二年其四世孫兆林等
重修勒石立於墓前張志僅載詔書道光十二年其四世孫兆林等
修清史者不足爲訓惟其人論定鄉賢校降考核似宜罷祀今視之
異族前驅不爲訓惟其人論定鄉賢校降考核似宜罷祀今視之
舉兵類謂文僉事遼東驍騎將軍任職中載副總兵八年居西鄉歷副官
總兵類謂文僉事遼東驍騎將軍任職中載副總兵八年居西鄉歷副官
應入流寓姑仍其舊
舊以俟論定焉

義烈

人稟五常之性而不蔽於習染未有不昭其懿德者也加以淳風
之陶鑄詩禮之涵育希賢希聖有何難哉况乎梁州之域地氣剛
強誕膺山川之靈孔多瑰奇之士是以博望立功於遐荒張騫西
國拜校尉有謀能涉遠為功運衛尉封博望侯窮塞河源至絕處之
鄭君抗志於巖穴成帝元舅子真西漢中樞人禮聘之終不隱居也口
子堅譽謬於輔政李固政守子堅不阿漢南梁冀所害帝時為太尉忠元
修宣威於膺夷土張亮則字元修東漢南鄭人為臨其郡太守威著南
流平孟賊巴郡板橋反拜隆集校尉鎮漢中徙梁州刺史陽下至郡
縣據史克隆任俠之行中東漢安帝永初二年陰平武都羌反入漢
鄭度出屯褒中欲與羌戰子錫段崇陳禪生戰捍度并命功曹程崇
與門下史王宗原展及崇子錫段崇陳禪生戰捍度并命功曹程崇
信素居守馳來蓋子難嚴學容慶陳繼為太守廉勾矩蜀旌等信二
十人等誓為志門下官屬元初二年羌同死來已郡太守鄧成信等將其
官人等誓為志門下官屬元初二年羌同死來已郡太守鄧成信等將其

士卒力奮討大破之信被八劉二十五年人戰閭卷編氓亦有英傑
死自是羌不敢南向五年天子褒美畫像焉戰閭卷編氓亦有英傑
之緊西晉懷帝永嘉元年巴氏李壽等掠漢中其民於蜀漢中
敵掠漢中漢中民張戣等小之則保鄉里大之則破氏羌烜赫聲
起兵討難敵戣還
光充塞宇宙流風餘韻終古弗衰西鄉地雖彈丸昔為重鎮鼓動
拔起代有其人或殉職而効孤忠或臨變而完大節或致果殺敵
蹈白刃而為鬼雄或衛國捐軀化碧血而昭勇武或被髮纓冠赴
鄉黨之急難或粉身碎骨標匹夫之貞心精魂毅魄嚴若迅雷壯
節殊勲爛如皎日是皆正氣之激盪而真性之流露者也欽崇先
民之義烈眷念茲世之艱屯固宜篤守中行恪循執度本之以仁
則勇不違道節之以義則死非輕生勿縱一己之私欲而荼毒羣
黎毋逐一時之狂潮而沈淪桑梓於以培國脈而養雍和禦外侮
而臻郅治能不超軼今古而流芳無窮也哉

劉朝輝

吳文學永寧

馬懷珠

周明

劉朝輝清縣學生賊入境朝輝率鄉民設卡堵禦與賊戰死之嘉
慶初教匪竄至境吳文學馬懷珠周明應募勦賊文學勇往敢戰
以功賞戴藍翎授西鳳營外委四年隨王提督勦賊南鄭縣之高
坡子當先衝擊陣亡廕其子長升雲騎尉懷珠亦屢立戰功賞藍
翎給五品頂戴隨營至秦嶺探賊身受重傷死明以勦賊功授華
陽營把總勦寧陝叛匪陷賊中屍體無存子日庠武生廕八品時
有武生周永寧入伍補外委率兵勦賊至四川陣亡

素張志人物
條列諸人賴

稿始立合傳均有刪削過甚處今據嚴志補
之系載王國英應列定遠廳志故刪去

陳景輝

劉文赤馬

陳景輝廩生嘉慶二年團集鄉勇堵卡禦教匪十月與齊王氏股
匪戰被執罵賊死庠生劉永錫聞匪至捐貲團勇設卡防堵匪不

敢過三年隨田總兵勦賊陣亡四年十月教匪唐明萬竄入境有
張文會者團結銃手設卡守禦於梭羅關劉家嶺銃斃賊數十人
後賊大至其衆潰文會被執罵賊不屈賊斷其左右手脅之文會
至死罵不絕口參張志賴稿葉余修鳳定遠縣志載劉朝輝馬懷
珠周永寧劉赤舄及余謙張鈞諸人而未著明鄉
里無以証其為廳人也
茲據嚴志張志仍錄之

吳登甲

吳登甲字鼎臣號東屏父作楨字品一有子五登甲其三子也道
光十一年恩科舉人二十四年以大挑知縣分發貴州歷署鎮遠
黃平仁懷縣事卓著循聲去而民思之至為建生祠調修文縣復
調貴筑首要繁劇措置裕如期年升八寨廳同知未一年調署鎮
遠府知府時咸豐四年也鎮遠為黔楚門戶背山面水有府衛二
城夾河而峙衛城在河南有城垣武弁居之府城居文官無險可

特僅臨河數隘口自粵匪擾亂商旅不通土寇反銅梓仁懷疊失
守登甲至設防練團幸以無虞值湖南常德失守郡城戒嚴又遵
義銅仁教匪攻陷四府一廳五縣由清溪犯叩水乃鎮遠分縣汎
地登甲派練往勦開炮轟斃賊首趙自龍餘匪敗走而踞玉屏之
賊亦懼而逃兵威大振銅仁思州石阡等處紳民皆來郡求援乃
瘡痍未復苗氛復熾咸豐五年台拱之苗糾衆數千攻圍廳城登
甲勦撫兼施月餘各寨具結投誠詎黃平革夷勾結清平凱塘凱
哨之苗四處焚掠攻陷岩門汎戕害委員及官兵千餘其勢遂大
登甲亟旋郡城謀守禦各隘口設險防堵每夜必出城巡查至天
明始回署賊竟不得逞如是者數年上憲嘉其勞績保奏免補同
知以知府留貴州儘先補用並賞戴花翎登甲念與賊久持非計
稟求卸署任帶練專辦苗務而簡放實缺人員皆推諉不來登甲

因命子錫綸奉夫人回籍囑曰汝等善事吾母吾將與此城為存
亡矣初登甲虞苗匪蔓延請於上憲奏調四川川北鎮總兵蔣玉
龍以兵二千四百餘名會勦至是上憲見匪勢稍蹙調蔣往他郡
僅留川兵一千在郡防守人心惶惶府學袁教授請往湖南乞師
登甲曰春間已奉諭旨訖今無一旅至事可知矣君縱去能作秦
廷哭乎吾惟孤忠自效誓與城共存亡耳增募練丁分佈各隘創
大營於盤龍坳以扼賊衝賊偵知川軍去忽率衆萬餘具雲梯來
攻衛城登甲親率兵練渡河救援斬其梟帥大挫賊鋒既而川兵
因缺餉九月一闕散去城中疫作練勇死者秦半賊聞復來大股
乘夜直犯盤龍坳大營又分數路攻各隘且以別股攻鎮標之獅
子岩營三營俱潰反奔入城賊尾之同入登甲隔河望見火光知
衛城有失急令別部分路救援比黎明登甲亦率兵至鏖戰良久

賊始敗退其後賊又糾獍夷傾巢而來約五六萬分五路進攻先以二路攻衛城護鎮楊啟賢率衆潛逃登甲正查夜間望見衛城火起即派練分路援勦比至則賊已入衛城登甲亟返府城守禦賊分股直逼府城別股渡河圍大營又一股順山梁下繞出府城西關之後將大營與府城消息隔斷其破衛城之賊渡河從各碼頭擁入府城兩頭放火登甲正督衆力戰陣後忽亂知腹背受敵不能取勝且戰且退至西關聞府城內人聲鼎沸知己失守奮然曰吾守土官也雖死當在城中捍衆猛攻至沈家壩與賊首遇大呼直前賊叢予刺之身中三傷猶手刃數賊罵曰九泉之下誓必滅汝遂遇害年五十五咸豐八年八月三十日子時也知縣張淮督衆往援聞登甲死拚命進攻失足墜橋下被劊刺死署中同時死者自登甲妻以下凡十餘人黔撫據實奏聞奉上諭署貴州鎮

遠府事候補知府吳登甲防勦數年勲勞屢著令因督隊禦賊力
戰陣亡大節凜然實堪憫惜吳登甲著從優加贈太僕寺卿銜給
予雲騎尉世職襲次完時給予恩騎尉世襲罔替諭賜祭葬銀兩
入祀本籍京師及陣亡地方各府城昭忠祠其同時殉難吳登甲
之妻陳氏與其二女撫二女名述姑定姑並其兄之妻鄧氏使女二口僕婦
于氏周氏家人孫義王福田祥均著交部從優議卹以慰忠魂而
勵臣節楊啟賢著通飭各省嚴拿欽此登甲五子錫綸字伯申廩
貢生在籍聞警偕弟錫澤奔黔在玉屏清溪等縣探尋下落或曰
登甲死數日僵立不休鬚眉俱張猶如生者賊神之安葬苗碣迄
無確耗九年冬楚兵克復鎮遠家丁某復往尋覓卒不可得錫綸
等乃奉衣冠葬之雲盤山麓錫澤字潤泉咸豐十一年舉人同治
四年成進士未履試聞縣城陷弟錫誥殉難驚恐卒錫綸至京運

已錄其
樞遭疫卒其後兩棺歸葬於衣冠塚之左右錫誥字鳳喈優庠生
錫綬字麟符以軍功保任山東成武縣知縣多惠政有廉名尤善
捕盜孫大落者盜魁也屢犯案不獲上憲指名限捕錫綬偵知匿
鄰省購間諜懸千金之賞果獲於淮泗之交決之日盜曰余非不
能脫者自思罪惡滿盈宜死且吳公又廉明有德於我縣余不去
所以成公名也遂大笑受刑錫文字炳麓優廩生以諸兄多事功
名獨居家養母嘗誦馬少游語曰棄下澤車騎歎段馬為鄉里善
人足矣何必外求卒時母年八十餘痛未終養囑以麻衣殮人稱
孝子云

參賴稿
五碑記

武承緒

子贊魚

武承緒字敬堂號南屏道光十七年選拔十九年舉人早負聲譽
邑名士咸從之遊鎮遠知府吳登甲江西巡撫李文敏皆其入室

弟子也任朝邑縣教諭尤多所裁成晚失明家居猶教授不輟同
治元年五月川匪圍縣城承緒上書言事宜皆不省憤然曰吾邑
其糜爛矣魏默深有云制流寇莫要於堅壁清野今城四周廬舍
如故賊居其中以暗擊明烏能防且城外糧糗山積足支數年賊
縱不攻擊坐而圖之我如釜底魚又何以生當此烈日炎炎兵民
晝夜堵禦無一時休息何不簡精銳更番以守則勞逸均而責成
專賊無懈可乘無瑕可攻或以偏師撓之或黑夜以金鼓亂之援
兵一至首尾策應底幾圍可解而城可完惜書生不知兵武士徒
恃勇平居號稱多才者臨難俱束手無策而吾言又不用吾不知
死所矣自城被圍以迄城破十數日間或太息或流涕絮絮與家
人語身後事有婉勸者承緒曰此城必不能保吾老且瞽賊縱不
殺我奔竄流離終無生理與其死於飢寒何若死於賊手鴻毛泰

山吾豈不知所從哉以七十餘歲之老人而遽生苟免其何以對
吾鼎臣於地下蓋承緒之死志早決矣後城破家人星散承緒衣
冠坐中堂賊入罵不絕口其愿者皆不顧而去繼一少者至以矛
刺其喉不死時東門火起延燒至中堂承緒匍匐赴火中頃刻燼
焉承緒長子贊勲廩生被脅至桑元鋪疲不能行頸受數刃逾時
猶活後入城尋父骸不得痛哭間傷逆裂遂卒亂定均贈卹如例

劉建彬

姪照姪孫增
壽陳能徵

劉建彬武生團防保舉六品軍功同治元年賊圍城奉諭辦團晝
夜梭巡十餘日未嘗交睫城破猶立缺口奮力殺賊他賊從後至
猛刺以矛透出前胸建彬回身以鋼碎賊首良久始仆姪照從九
品被脅至桑園鋪坐路側寧死不行賊連斫數刀聲喑喑猶痛罵
也姪孫增壽營字識城破時在家安慰祖母聞街頭聲鼎沸知事